



LINDÅS KOMMUNE
Eigedomseininga

Behovsvurdering klatrehall og buldrerom, Knarvik Arena

Anleggsnummer 72488 og 75823

Prosjektet står på førsteplass i handlingsprogrammet i Lindås kommune sin kommunedelplan for idrett, aktivitet og friluftsliv. Midlar til å gjennomføra prosjektet er vedteke i kommunen sin økonomiplan for året 2017.

Den nye hallen er plassert i Nordhordland sitt regionsenter Knarvik. Anlegget består totalt av fleirbrukshall, klatrehall, buldrerom, to trimsalar samt garderobar og lager. Anlegget er samlokalisert med nye Knarvik barneskule og i gangavstand til den eksisterande Nordhordlandshallen og uteanlegg for friidrett og fotball.

Regionen Nordhordland har per i dag ikkje eige klatreanlegg. Det finst mindre klatreveggar i tre hallar. I tillegg til klatregrupper i dei aktuelle idrettslaga, er det etablert ein ny, felles klatreklubb i samband med kommunesamanslåinga.

Eit skikkeleg klatreanlegg vil gje Lindås kommune eit meir allsidig idrettstilbod. Ut frå folketal og erfaring frå andre stader, må det forventast at ein klatreklubb fort vil utvikla seg til fleire hundre medlemmar straks eit anlegg er på plass. Å etablere eit skikkeleg klatreanlegg og klatreklubb, er ønskeleg ut frå at dette er ein idrett ein veit appellerar til grupper som gjerne ikkje finn seg til rette i dei meir tradisjonelle aktivitetane. Vidare vil tilbodet også appellera til vaksne i større grad enn ein del andre idrettar. Livsstilsjukdomar blant 30-40 åringar er eit av områda kor Lindås kommune kjem dårleg ut i helseundersøkingar.

Buldrerommet vil gje auka kapasitet og større variasjon i anlegget, samstundes som det gir skulane betre moglegheit til å nytta anlegget. Buldrerommet vil og gje moglegheit for meir uorganisert bruk i samband med til dømes «open hall».

Det bur om lag 10 000 menneske innanfor 5 minuttars kjøring frå Knarvik. Det er lagt opp til stor vekst i åra framover, blant anna vert det planlagt for inntil 5000 nye innbyggjarar innan gangavstand frå Knarvik Arena. Det nye anlegget må reknast å bli hovudanlegg for klatring i ein region med om lag 30 000 innbyggjarar per i dag.

Atle Vaage, fagleiar idrett og grønt, Lindås kommune